



Universitätsbibliothek Paderborn

Conciliorvm Omnivm Generalivm Et Provincialivm Collectio Regia

Ab anno DCCCLXXII. ad annum DCCCCIX.

Parisiis, 1644

Epistola CCLXI. Ioannis Papae VIII. Ad Anselmvum Mediolanensem
Archidiaconvm. Minatur illi excommunicationis poenam, nisi ad sui
archiepiscopi obedientiam redeat.

urn:nbn:de:hbz:466:1-15967

EPISTOLA CCLXI.

IOANNIS PAPÆ VIII.

AD ANSELMVM MEDIOLANENSEM

ARCHIDIACONVM.

Minatur illi excommunicationis poenam, nisi ad sui archiepiscopi obedientiam redeat.

Anselmo archidiacono Mediolanensi.

MISSA præfusatui nostro suggestione Anspertus sanctæ Mediolanensis ecclesiæ reuerendissimus archiepiscopus, cuius minister esse videris, super te questus est, quod inter ceteras perturbationis molestias a te sibi temere illatas, & post rerum suarum damna non modica, nunc propria derelicta ecclesia, ab eius te obsequio & confortio separare, & velut schismaticus, per alienas parochias contra canonica statuta commorari præsumpsieris; nec non & apud principalem potentiam properando, noxias illi præparare insidias callida persuasione decertes. Vnde his nostris apostolicis literis dilectionem tuam paterno affectu conuenimus, nihilo minus & cum omni iubemus imperio, vt de præsenti ad sinum & gremium sanctæ Mediolanensis ecclesiæ matris tuae, quam furibundo animo reliquisti, valde deuotus redire festines, atque sub proprii pastoris regimine, vel præsentia esse omni mentis alacritate decertes, &c, vtpote idoneus minister, humili prorsus deuotione debitum, iuxta ordinis tui locum, reuerenter impendas obsequium, & obedientiæ famulatum: quatenus eius gratia potitus, omnipotenti Domino de officiis tui assiduitate semper placere valeas. Quod si aliter contra præcipuas & non violandas sanctorum patrum institutio-nes, atque contra hanc nostram saluberrimam iussionem agere præsumpsieris, & ad tuam ecclesiam, tuumque pastorem, sicut regula ecclesiastica docet, redire contempseris; scias te Dei omnipotentis virtute, & beati Petri apostolorum principis, nostraque auctoritate, atque canonico patrum iudicio, fore omni ecclesiastica communione priuatum: quoisque, vt prædictum est, ad tuam ecclesiam redire, tuoque pastori humilitatis colla subdere omnino

Concil. Tom. 24.

Q q

studueris, quoniam ferro necesse est ut abscindantur vulnera, quæ vt illis manum adhibueris, fomentorum non senserint medicinam.

EPISTOLA CCLXII.

IOANNIS PAPÆ VIII.

AD ATTONIVM.

Excommunicat eum, nisi ecclesiæ Mediolanensi bona
quæ abstulerat restituat, & ad obedientiam
sui archiepiscopi cum sociis redeat.

Attonio excommunicato.

MISSA præfusatui nostro ab Anspero sanctæ Mediolanensis ecclesiæ archiepiscopo relatione, atque suggestione didicimus, te multa per horrendæ temeritatis impudentiam, siue audaciam egisse illicita, & in contemptum beati Ambrosii, atque ipsius antistititis contrariatem, in locis, & rebus ei pertinentibus mala, & quæcumque poteras enormiter vna cum filiis tuis commisissæ aduersa. A quorum scilicet perpetratione assidua, te quasi ouem gregis dominici, multis iam vicibus arguendo, obsecrando, & increpando conuenire, atque remouere curauit, ne antiqui hostis callida persuasione semel deceptum in profundum mortis barathrum lapsum iacere omittaret. Sed quia te sanctæ admonitionis verbis salubribus humili prorsus deuotione non obedire, neque aurem cordis (velut aspidem surdam) inclinare, vel acquiescere nolle aspiciens, post tot correptiones vna cum venerabilium coepiscoporum coetu a sacrosancti corporis & sanguinis Domini secundum institutionis paternæ censuram, communione separauit; & ab ecclesiæ Dei societate merito remouit. Et adhuc in eadem sorde iniquitatis foetidum & vulneratum te dolet iacere, cordeque impoenitenti nolle ad te percutiētem reuerti aspiciens, clamat, vt per salutis medicamenta animi tui valeat vulnera male inficta sanare. Vnde & nos pastorali sollicitudine, atque confratris nostri archiepiscopi hoc præsenti dilectione commotia auctoritatis nostræ statuto iubemus, vt tanta peruersitate, & cordis duritia iam